

Коми Республикаса том войтырлөн газет



Гашикӧ, панласям?

Тайо НОМЕРЫН

Сентябрь 14 лунö, буретш республикаса Юралысьöс бөрйысян лунö, Сыктывкар бердса Вылыс Максаковка посёлок пасйис ассыис чужан лун.

8
л.б.

Юркаса коми культура шöринын воссис «Ву весьтöд лэбачöн» фотовыставка. Россияса гижысьяслön котырö пырысь Елена Афанасьевалöн кывбурьяса небöгыс отсалис чужтыны коми кыв да литература велöдысь Ирина Калининалы серпасьяс.

9
л.б.

Дона томуров!
Чайтам, быдöн тьян пöвстысь эз нин öтчыдысь кывлы наркотикьяслön леклун йылысь. Шуаннид, пель сьöдытöдз нин пö и велöдысь, и бать-мам, и телевизор пыр висьтавлісны... Мед! А збыль-ö сюркняліннид пель саянид, мый дурмöдчан-торйыд - тайö вывті лектор?!

14
л.б.

Мортыд аслас олöмын быдсикас лоöмторйыскöд паныдасьö, торйöн нин мый дзонь-видзалункöд йитчöма. Мукöд-дырйи ки улын нинöм абу, медым отсавны аслыд. Но петан туйыс эм, тöдны кö öткымын гусятор.

16
л.б.



Ёртасясны Крымса войтыркöд

Коми Республикаса национальной политика министерство кöсйö заводитны ёртасясны Крымын олысь коми диаспоракод.

Крымса «Парма» том котыр ёна водзмöстчö патриотической ныр-визьын. Тайö кужöмлуныс вермас отсавны и комиы котыртлыны öтувья патриотической экспедиция, ветлыны Крымса война места-ясö да корсьны, кытчöдз волöмаöсь коми рекрутьяс.

Татшöмсяма йитöдыс сетас позянлун ёртасясны и Крымса культура, искусство да туризм университетын велöдысь-велöдчысьяскöд, дасьтыны Коми подворье, вöчны öтувья телепередачаяс, котыртлыны этнографической лагерьяс да уна мукöдтор. Эм мөвп лöсьöдны и память небöг, кытчö пыртасны Крымын овлысь комиясöс. Сэсся и археология боксян лоас позянлун туявны, кутшöм памятникьяс тані кольісны финн-йöгра войтырлön.

Крымса том йöзлön «Парма» котыр котыртсьылöма 2009 воын Долгоруков-Крымский нима скаутьяслön отряд пыдди. Медшöр могыс - отсавны котырö пырысьяслы бырöдны быдсикас мытшöдсö, корсьны асьнысö верстыö олöмын, видзны да водзö сöвмöдны финн-йöгра войтырлысь кыв-культурасö.

Finnougr.ru сайт серти.

Снимок вылын: Комиысь «Возвращение» отряд да Симферопольса «Дружина «Крымъ» котыр.



ДОНА ЁРТ!

Тэ öнöдз на эн гижöдчы «Йöлöга» вылö? Сöмын ёртыдылысь босьтлан либö библиотекаын öгийö видзö-далан лист бокьяссö? Абу öмöй окота, медым гортö-дзыд воис газетыд? Эн шогсьы - тэнаг эм позянлун гижöдчыны тавося бөрья кум тöлысь кежлö.

Пошта пыр гижöдчан доныс (октябрсянъ декабрь помöдз): 99 шайт.

Вай öтув тэкöд сигöртам тайö восö, а сэсся нин бара гижöдчам «Йöлöга» вылö локтан 2015 во кежлö! Сёрнитчим öд?


Сиисны Матиас Кастренлы

Неважён «Кола» издательство комиён лэдзис филолог, финн-йöгра да самодий кыв, финн да саам фольклор туялысь, уралистика öткыдажысь Матиас Кастрен йылысь художествоа небöг. 2008 воын тайö паськыда тöдса морт йылысь петавліс нин финн кыв вылын «М.А. Кастрен - Сибир туялысь» небöг, кодöс вöчисны-лэдзисны Паули Каллио да Пентти Отсамо.

Коми кыв вылö гижöдсö вуджöдісны Сыктывкарса канму университетын финн кыв велöдысь, коми да финн-йöгра филология кафедрён веськöдысь Римма Попова да университет помалысь Ольга Баженова. Сьöкыдджык кыв-шумъяс налы отсаліс вуджöдны философияысь магистр, М.А.Кастрен обществоö пырысь Паула Кокконен.

Тайö уджсö лои дасьтöма гöгрöс тшупöда пас кежлö - нималана туялысьлы чужöмсянысь тырис 200 арöс. Небöг тöдмöдö лыддысьысьясöс аслысьяма комиксьясөн, кодъясын вöссöны туялысьлөн Россияса войвывтí ветлöмъясыс. Татысь жö позьö лыддыны быдсикас экспедиция йылысь да хант, ненеч, энеч, селькуп, татар кывъяс туялöм йылысь. Быдса лист бок сиöма и Коми муöд ветлöмлы.

Выль небöгсö лэдзöма 500 экзemplярöн. Кызвыныс лоö вичмöдöма республикаса школа-библиотекаясö. Небöгнас кутасны вöдитчыны и студентъяс.



Айму



Тöдмав аслад герой йылысь

Коми Республикаса олысьяслөн эм поэянлун пырöдчыны «Ыджыд Вермöмлөн геройяс» акцияö, медым нöшта унджык тöдмавны Айму вöсна Ыджыд тышын пöгитнитöм рöдвуж йылысь.

Акция пырöдчöм могысь колö ыстыны шыöдчöм салдат служитöм-воюйтöм йылысь челядлөн да том йöзлөн спорт да туризм юркарса шöринлөн электроннöй адрес вылö: turcentr.vpv@minobr.rkomi.ru

Сетöм юöрсö виддаласны Россияса оборона министерствоын да видзöдласны, эм-ö боечлөн кутшöмкö награда. Салдатöс кö вöлі пасйöма войнаса подвигысь - рöдвужлы сетасны колана документ-приказлысь копияяс.

Колана шыöдчöмлөн образецыс - www.komiturcenter.ru сайт вылын. Став содтöд юалöмөн позьö шыöдчыны Сыктывкарса телефон серти, номерыс: **8(8212) 44-29-08**.

«Коминформ» серти

Ыджыд Вермöмлөн дöрапас

Удора районьыс Глотовоса школаын юöртісны «Полотно Победы» акция котыртöм йылысь, кодöс сиисны Айму вöсна Ыджыд тышын Вермöмсянь 70 вося тшупöда паслы.

Дöраторъяс вылö быд велöдчысьлы ковмас вурны-дасьтыны аслад рöдвуж пöвстысь войनावывса ветеран йылысь юөр. Медбöрын став тайö дöра торъяссö йитасны öтилаö - ыджыд дöрапасö, кодöс сэсса кыпыда петкöдласны Победа лунлы 70 вося тшупöда паслы сиöм гаж дырйи. Акцияö пырöдчасны оз сöмын велöдчысьяс, но и велöдысьяс, бать-мам да сиктса войтыр.

Анна КРЯЖЕВСКАЯ



КОЛАНА УДЖ

Удора районьсы Косланса 8 номера коррекционнӧй школа-интернатын МЧС-ын уджалысьяс нуӧдисны биысь видзчысьӧм кузя урок.

Колӧ кужны и верстьӧлы, и поснилы

Урок нуӧдӧм выӧ буретш тайӧ школасӧ бӧрйисны эз прӧста сӧдз, ӧд ныв-зон танӧ оз сӧмын велӧдчыны, но и олӧны. Та вӧсна зэв тӧдчана и челядьлы, и сэтчӧс уджалысь верстьӧлы тӧдны биысь видзчысьӧм серти колана индӧдӧяс.

Районса пӧжарнӧйяс нуӧдисны колана инструктаж, а сы бӧрын нин ставӧн ӧтув видлисны «петны ӧзйылӧм дырйи». Татшӧм ногӧн тренируйтчӧмыс быгть колӧ, ӧд збыльвывса пӧжар дырйи повзӧмвывсьыд нинӧм он куж да он удит вӧчнытӧ.

Медбӧрын 53 номера пӧжарнӧй часьтын уджалысьяс тӧдмӧдисны челядьӧс би кусӧдан эмбурӧн да техникаӧн. Быдтасьяс пӧвстысь быдӧнлы позис аслыс видлыны резны пӧжарнӧй шлангысь ва, а тшӧтш и спасательнӧй эмбурӧн видлыны вундыны кӧрт. Кодсюрӧлы весиг мойвиис пасьтавлыны би кусӧдысьлысь паськӧм.



Коми Республикаса МЧС-лӧн медшӧр управлениеысь уджалысьяс да став Россияса би кусӧдан котырысь специалистьяс дасьтылисны «Гренада» социальнӧ-реабилитационнӧй шӧринса быдтасьяслы кыпыд гаж.

Ордйысисны Брандмайоркӧд

Быдтасьяс дорӧ волӧс аслас отсасысьяскӧд Брандмайор. Сийӧ висьталӧс би кусӧдан охраналӧн история йылысь. А став Россияса би кусӧдан котырысь Александра Лихачёва нуӧдис челядьлы викторина. Та бӧрын ставӧн мунӧсны шӧринса спортзалӧ, кӧнӧ Брандмайор аслас отсасысьяскӧд нуӧдис спорт ордйысьӧмьяс. «Чёрные тени» да «МЧС России» челядь командаяс ордйысисны пӧжарнӧйяслысь боевӧй костюм медтэрыба пасьталӧмын да уна сикас конкурсын.

Балляяс артыштӧм бӧрын вермысьӧ петӧс «Чёрные тени» котыр. Но козинтӧг некод эз коль. МЧС-ысь уджалысьяс чолӧмалӧсны велӧдчан во заводитчӧмӧн да разӧдисны козиньяс.



Тавося ордйысьомо пырöдчлысны республикаса 14 районьсы 21 команда. Томуловлон арлыдыс вöли 13-25 арöс. Быд командаö пырис көкъямыс морт: 6 нывзон, веськöдлысь да судья.

Нель ордйысян лунö томулов видлісны ассыныс выннысö да төдöмлуннысö туризмын, гражданскöй оборонаын, би кусöдчöмын да корсысян-дорйысян уджын. «Школа безопасности» ордйысьом подулын муніс тшöтш и пöжарно-прикладнöй спорт кузя «Серебряная штурмовка» первенство.

Татшöм сикас ордйысьомгьясыс велöдöны томуловс лоны видзчысянöн да төлкаджыкөн оломын паныдаслысь быд лöмтор дырйи. Та вöсна и жюри öткодя стрöга донъяліс и ичöтьясöс, и верстьöджык нывзонмös.

**Коми Республикаса
МЧС-лөн медшöр
управлениелөн
юöр сerti**

Сентябрь 9-12 луньясö Сыктыведінса Кöччойягын муніс республикаса «Школа безопасности» ордйысьом.

Лоасны видзчысянöн да төлкаджыкөн



Сё
ДИВО

Сентябрь 16 лунö юркарса юношескöй библиотека бердын воссис сідз шусяна Little Free Library (дон босьтмөг уджалысь ичөт библиотека), коді сетö позянлун лыддысьны радейтысьяслы вежласьны небөгъясөн.

Татшөм соцпроектис медводдзаясь заводит-ліс уджавны 2009 воын Америкаын. Сэні жö паськыда восьтісны медводдза ичөтик библиотекасö. А талунгъя лун вылö татшөм небөгъясөн вежласяніныс эм нин мирса нелямын странаын.


Восьтыны ичөтик лыддысян керка йылысь мөвпыс вома юношескöй библиотекаын том уджалысьяслы. Россия пырö медся уна лыддысьысь странаяс лыдö. Но Little Free Library эм сөмын Россияса некымын карын. И со татшөм шензьöдана лыддысяніныс воссис мян юркарын. Уджалö сійö тадзи: босьт кажитчана небөг, лыдды да бөр вай, верман вайны и ассыд кутшөмкö небөг. И небөгсö поэз босьтны кор косьян.

Тайö мөвпсö пöртны олөмö отсалісны кöртись вöчасысь цехөн веськöдлысь Сергей Панюков да «Экспедитор» ООО-ын веськöдлысьöс вежысь Сергей Рубцов. Тайö войтырыс важөн нин ёртасöны библиотекакөд. И кор ковмывлö отсөг, окотырысь сійöс сетöны.

Ичөтик лыддысянін, библиотекаын уджалысьяслөн чайтөм серти, кажитчас юркарса олысьяслы. И сэтчö волысьяслөн лыдыс быд лун кутас содны.

Юношескöй библиотекалөн сайт серти

Лыддысьöй!



Геннадий ПОПОВ

Пахом Степан багатыр

Парма шöрын коми сиктын
Олис-вылис багатыр -
Рочсикт грездса Пахом Степан
Гырысь изйөн ворслис пыр.

Горт гөгöрас быдтор вöчлис -
Батьлы нимкодъ, ошкö мам.
Кöть и шензьöдана вына,
Абу дözмысь, сюсь да рам.

Кань кодъ винёв,
Ош кодъ ён
Пахом Степан -
Коми зон.

Йиа-лымъя Рочсикт чойын
Сувтис туй шöрас дзик стöч:
Кызь кык пудъя турун додъсö
Вöв эз катöд, мый кöть вöч.

Рочсикт чойыд джуджыд, кузь,
Да öд туй шöрад он узь.
Вöвтö лэдзалис Степаныд,
Додъсö тажъялис чой паныд.

Кань кодъ винёв,
Ош кодъ ён
Пахом Степан -
Коми зон.

Керка дорöдз кыкис - гур-р,
Пöсьсö чышкис, вот пö-й бур.
Ачым, шуис, öдва верми,
А вöлöс вида... Но, сёмор.

Сэсся, лолыштіс да, водзö:
Восьтіс ыджыд сарай öдзöс,
Джуджыд звöзйöд турун додъсö
Кыкис. Ректіс сарай джоджö.

Кань кодъ винёв,
Ош кодъ ён
Пахом Степан -
Коми зон.

Степан лунö Рочсикт грездö
Йöзыд уна локтö пыр.
Ува-ава, серам-теш...
Кодкö горзö кылö: «Кеж!
Сетöй туйсö вай Степанлы,
Энö сувтöй сылы паныд.
Туша-рожа - «вöчтöм гыр»,
Пахом Степан - багатыр!»

Кань кодъ винёв,
Ош кодъ ён
Пахом Степан -
Коми зон.

Степан водіс, морöс вылас
Пуктіс ыджыд пызан пöв,
Шуис: «Нолтö, коді тöрад,
Сöлöй, пукалыштöй чöv».

Сизим мужик серамсорөн
Пызан вылö пуксис - «сатш».
Степан зэлöдчис, да-й лэптис -
Ставөн турбыльтчисны гатш.

Кань кодъ винёв,
Ош кодъ ён
Пахом Степан -
Коми зон.

Биөн-тшынөн пызйгырйи
Коричневöй чума-гундыр
Кöсйис Роч му пöртны адö.
Сьöкыд вöлі сійö кадö.

Коми муысь ён Степаныд
Пөж вөрöглы сувтис паныд.
Ыджыд тышö повтöг петіс,
Ас му вöсна олөм сетіс.

Кань кодъ винёв,
Ош кодъ ён
Пахом Степан -
Коми зон.



ГАЗ

Сентябрь 14 лунö, буретш республикаса Юралысьöс бөрйысян лунö, Сыктывкар бердса Вылыс Максаковка посёлок пасйис ассьыс чужан лун.

Вылыс Максаковкалön чужан лун

Арся шондiа лунö посёлокса администрация до-рын чукöрмывлис посёлокса вель уна олысь, ылы-сянь юргис шылад, гөгöр ветлисны шаръяса че-лядь. А дасйтисны тайö кыпыда гажсö «Лира» прöст кад колялан шöринса уджалысьяс.

Гöсьгъясöс медводз чолöмалис Вылыс Максаков-ка администрацияөн веськöдлысь Светлана Нико-лаевна Русецкая. Ссылöм-йöктöмön гажöдисны гöсьгъясöс «Максаковочка», «Карамелька» да «Сви-релька» ансамблясьяс.

Некымын во нин посёлоклön чужан лунö нимö-дöны-чолöмалöны медся мича керка йöр вöдитысь-ясöс. Тавося гаж дырйи тшöтш пасйисны зиль кöзйякаясöс водзмöстчöмысь, налы вичмисны ад-министрациясьян аттöбалана гижöдъяс да козинъя-с. «Медмича йöр» конкурсын вермысьясöс сьылöм-йöктöмön чолöмалисны-гажöдисны медся ичöгъяс: 95 да 120 номеръяса детсадысьö ветлысь-яс да содгöд тöдöмлун сетан 15 номера шöринысь посниулов.

Гаж дырйи быдöнлы уси шуд чöсмасьны чöскыд юкваон, пöсь тшайон да чöскыд пöжасон. Öти кывйон, посёлоклысь нöшта öти чужан лун лои кыпыда да сьölöмсянь пасйöма.

Миян корр.





ВЫСТАВКА

Юркарса коми культура шöриньн воссис «Ву весьтöд лэбачöн» фотовыставка. Россияса гижысьяслөн котырö пырысь Елена Афанасьевалөн кывбуръяса небöгыс отсаліс чужтыны Ирина Калинина серпасъяс. Тайö öтувъя тандемис ёна мичмөдіс коми культура шöринлысь жырсö.

«Ву весьтöд лэбачöн»

Удораын чужлом аняс - Елена Афанасьева да Ирина Калинина - сёлөмсяныыс радейтöны ассыныс чужанінсö, пыдди пунктöны сэтчöс вөр-васö да олысьяссö. И налөн тайö сёлөмкылöмъясыс пöртсисны дасьтöм фотовыставкаö, кодөн ми, видзöдысьяс да донъялысьяс, öні и нимкодьясам.

Выставка весьтөгön авторъяс юксисны, кызди чужис мөвп дасьтыны тайö öтувъяторсö. Быд фотосерпас дорö налөн вöлі бөрйöма кывбур. И тайö лыддьöм гижöдъясыс быттö юктöдісны быд видзöдысьöс серпасъяслөн сöдз ваөн. Татшöм ногөн аняс пырöдчылісны выставка донъялысьяслөн сёлөмъясöдз, видлісны петкөдлыны Удораса мулысь аслыспөлöслунсö.

Авторъяс кызди фотовыставка дырйи лыддисны ассыныс кывбуръяссö республикаса том потъяс: Алёна Шомысова, Алёна Старцева, Любовь Ануфриева да Ольга Баженова.

Кывбуръяс лыддисны и Ю.Спиридонов нима искусствояс гимназияын велöдчысьяс - Светлана Калинина да Ксения Бозова.

Выставка уджалас сентябрь 30 лунöдз, Удоралы сйöм серпасъясөн да кывбуръяса небөгön поэяс нимкодьясны кык час лунсянь квайт час рытöдз.

Юркарса коми культура шöринлөн юөр серпти





Иван БЕЛЫХ

АК, ТУЙЯС, ТУЙЯС...

Мыйлакө пыр тшөкыд-джыка казтывла зарни челядырся сийö кадсö, кор неважон на сувтi кок вылö да кöсья матисянджык тöдмавны ас гөгöрса олöмсö. Мича гожся лун. Миян гортын пасйöны кутшöмкö праздник. Верстьöяс петöмаöсь кильчö вылö да мый йылыськö гораа варовитöны ас костаныс. А ме, ичöt детина, тэр-масы заворлань. Окота вуджавны завор вомöн да котральштны көмтöм кокön лыаа мир туй вывтi. Но сiдзи эг и вермы вуджны заворсö. Вывлань кавшасигмоз тiмбыльтчи-уси ас эжа вылö да гораа бöрддзи. Синваой петiс эз доймöм вöснаыс. Забеднö вöли сыысь, мый сiдзи эг и вермы пентавны мир туй вылö, кодi сэтшöм ёна кыскис ас дiнас. Кодкö верстьöяс пиысь босьтiс менö мездорö да такöдiгмоз шуис:

- Удитан на келавны мир туй кузяыд. Сийö некытчö оз пышйы тэысь. Олöмыс водзын, ок, кутшöм кузь.

Сийö кадяныыс вочасön и тöдмалi, мый öтарас Пальлань, а мöдарас Дзöля Слудалань мир туйыслön збыльысь помыс ни дорыс абу. Гортдорса мир туйöс сэсся вежöны мукöд ыджыдджык да паськыдджык туйяс, кодъяс нуöдöны миян Россиялön медея

ыли пельöсьясö. Найö быттö мулön аслысикас сөнъяс, сетöны быд пельöсын паськöдчöм войтырлы олан вынсö.

А сийö кадö чорыд веркöса туйясыд миянладорын эз на вöвны, эз на вöвны и öнiя мында лыдтöм-тшöттöм машинаыд. Гожöмъяснас сиктысь сиктö тэрмасытöг ветлывлiсны телегаа вöвъясön, а тöвнас найöс вежлывлiсны вöладодъяс. Сöмын корсьорö петкöдчывлiсны кузола машинаяс, кодъясысь зэв ёна повзъывлiсны вöвъяс да кодъяс бöрся горзiгмоз вöтчывлiсны сиктса детинкаяс. Но веськыд мат вöли тайö туйяс вывтiыс арын да тулысын ветлöмъясыс. Ковмывлiс кевны пидзöсöдзыд ва гуранъяс вомöн либö видзчысьöмön восьлавны кынмöм сёя туй кузя, конi тшөкыда пöрлывлiсны весиг телегаяс.

Буретш татшöм ускöттö öтчид и суöма Ивадорса Петрö Ваньöс. Вайö вöлöм телегаа вöлön Пальса сельпоысь Ивадорса лавкаö водка тыра ящикъяс. Но Изьва шор пос вуджитöн кын туй вылад телегаыд и пöрöма. Уна водка доз жугалöма. Кыдзкö-мыйкö Петрö Ваньыд телегатö бöр сувтöдöма да тэчöма водка ящикъястö. А Ивадорö воом бöрын шогпырысь юöртöма та йылысь ас сиктса мужичöйяслы. Найö пыр

жö чепöсиймаöсь Изьва шор пос дорад куравны киссьöм водкатö. Сийö öд оз кынмы кодзыд дырйийыд. А кодъяскö веськыда ырскöмаöсь-лакöмаöсь курыд юанторсö кын туй вылысь. Та йылысь меным серамсорön батъ на висьтавлывлiс.

Эз вöв кокни ветлывны татшöм туйяс вывтi и тöвъяснас. Помни-та, февраль тöлысья бушковъяс дзикöдз нбöддiсны туйяссö, да Пальса школаö миянлы ковмывлiс куйм километр кевны пидзöсöдз лымтi. Сэсся коркö вына «С-80» трактор кыскывлiс МТС-сянь Дзöля Слудабдз ёсь ныра «утюг», да туйыс бöр воссьывлiс.

Автобусъясыд сийö кадö эз на ветлыны. Со и Пальлань восьла-лысь туй выв йöз войувланьыс нин узьмöдчывлiсны миян керкаö, кодi сулалiс сикт кывтыдланьыс дзик мир туй бокас. Збыльысь öд сикт кузя подöн мунысьяс повтöг на восьлалiсны водзлань. Но сикт помас сап пемыдыс повзöддiс найöс. Кодi тöдас, мый сэнi тöдтöм туй вылас вычысьö. Гашкö, кöинъяс паныдаласны. А, гашкö и, толаас сибдан. Со и вöзйысьлiсны туйбокса керкаö узьмöдчыны. Кыдзи помни-та, батъ-мам некор эз öткажитлыны туй выв йöзлы. Мам кыс-



кывліс пачысь шоныд на шыд чугун да вердліс госьтгъясос. Сэсся бать-мам водывлісны джоджб вольсалом идзас вольпась выло. Ми, ичотгъяс, төрөдчывлім пөлать выло. А госьтгъясос водтөдлісны гөбөч выло. Отчыд весиг чипан гөзъялөн ыджыккодь семья узьмөдчыліс миян ордо. А ыліджык туйо гожомгъяснас сэки йозыс, тшөтш и миян сиктсаяс, ветлывлісны пароходгъясон, а бөрынджык теплоходгъясон. Помнита на, кыдзи Эжва кузя кывтісны-катисны Сыктывкарсянь Котласо да бөр «Виктор Гюго», «Чернышевский», «Гончаров», «Добролюбов», «Гоголь», «Коми пионер», «Иван Куратов» пароходгъяс. А ми, Эжва дорын купайтчысь челядь, пыр колбөдывлім найос. Юлөн ылі чукыль сайсянь друг тыдовтчывліс кывтысь либө катысь юсь кодь еджыд пароход. Сійо пыр матөджык и матөджык матыстчыліс миянлаань. Ми завидьпырысь видзөдім палуба вылын пукалысь-ветлөддысь йөз выло. Майбыръя! Пароход вылын кывтөны-катөны! А кор на миянлы удайтчылас сэтчө на моз жө пуксывны. Со пароход вольвліс миян весьтөдз. А сэсся сы бөрся берөгө вачкывлісны пароходсянь мунысь гыяс. Ми горзігмоз дыр вөтчывлім тайо гыяс бөрсясы. И эгө кужой сэки весиг чайтлыны, кутшөм ньөжйө да тэрмасьтөг ветлывлісны йөзсыс өтиласянь мөдлаө. Да и ачыс олөмыс сэки эз на ёна некытчө тэрмась.

Вочасон и ми быдмыштөм бөрын гожомгъяснас кутім ветлөдлыны пароходон да теплоходон. Некор оз вунны «Виктор Гюго» өти судгаа пароходон От гөравывса Сюлатуй грездө кывтөмгъяс. Лэчывлім сэтчө гөститны Аркадий ичиньядь да Агния ичинь гөзья ордо. А найо сідзжө пароходон катлывлісны Паль гөра выло. Од буретш Пальын чужлөма Агния ичинь, миян мамлөн ичөтджык чойсы.

И кыдзи нө вунөдан пароходон Сыктывкарө кайлөмгъяс. Медводдзасысь сэтчө кайлі менам Анись баблөн чой Матрен бабкөд квайт арөсөн. Сійо катөдліс менө Көджпомса вичкоө пыртны. Войбыд сэки ме пукалі палуба вылын да чуймөмпырысь видзөді Эжва юлөн помтөм-дортөм от выло. Кытысь нө сылы та мында ваыс, та мында вын-эбөсыс. Дут-

дывтөг визувтө и визувтө паськыд юыс. Помыс абу. Чайтан, мый со эсийо чукыль саяс и помасяс Эжваыс. Но пароходыс веніс тайо чукыльсө, и бара юлөн помтөм-дортөм визулыс локтө пароходлы воча. А сэні со водзын выль чукыль. И тадзи помыс абу тайо чукыльясылөн. Сэксянь торйөн нин ёна мусмис меным уна комилы радейтана Эжва юыс, коді медводз туйдіс менө ветлыны гортысь ыліджык муясө.

Но вочасон кытчөкө вошисны Эжва ю вылысь пароходгъясыс да теплоходгъясыс. А сы вөсна, мый эз кутны ковны йөзсылы. И пыр жө кыдзкө гажтөмджык лои ю вылын. И ачыс Эжва юыс быгттьо кутіс шөгө усьны. Быгттьо лөгасис йөз выло сысысь, мый сійос кутісны вунөдны. Көть эськө ачыс юыс век жө надейтчө на, мый оз жө дзикөдз вунөдны сійос йөзсыс, мый сійо зэв на ёна кутас ковны налы да, мөдасны на ветлыны ю кузя выль зэв тэрыб да вынйөра суднояс. Од уна нэм чөж Эжва юыс вөлі коми войтырлы зэв бур туйон, олөм ловзбөдысьон да пестысьон. И вывтіджык, чайта, йөзсыс өтдортчысны сысысь.

Паметьо коліс сійо кадыс, кор Сыктывкарсянь Пальөдз кутісны шуръявны автобусгъяс. И эз нин ло сэки миян Паль гөраным өм пельөсөн. Вошисны кытчөкө, быгттьо эз и вөвлыны миян туйяс вылысь вөла телегаяс да вөла додгъяс. И сөмын сэки лои гөгөрвоана, кутшөм ньөжмыда да тэрмасьтөг ми олім. Водзтіджык од и збылысь Сыктывкарыд миянсянь ылыс вөлі. Войбыд сэтчөдз колө буткыны пароходон. А сэсся кор на бөрсө гортад воан.

Отчыд сөр арын нин бать мөдөдіс менө карө. Мам буретш вөлі куйлө карса больничаян.

Кайлы, пиук, карад. Төдмав, корджык мамыд бөр гортад воас.

И мөдөдчи ме, сизимөд классын велөдчысь, Дзөля Слудаөдз подөн. Автобусгъяс оз на вөлі ветлыны. А пароходтө зэв дыр колө виччысьны. Да и Дзөля Слуда весьтын Эжва вомөн өнія поскыс эз на жө вөв. Паромөн вуджи Эжва вомөн. А машинаыд сөр арнад зэв гежөда ветлө. Да и шоперьяс оз босьтны кабинаад нэриник на детинкатө. Ковмис Көччойяг кыр йылөдз подөн мунны. Сэні сэсся кутшөмкө бур сьөлөма шопер жаляддза босьтіс

жө менө кабинаад. А арнад од водз рөмдө. Луныс сідз нин кымөра. Коркө пемдігас нин паныдаси мамкөд больничаян. Ставыс пө бур, шуис сійо меным воча, регыд пө лэдзасны гортө. И пемдігас нин веськөдчи увлань кывтысь пароход выло. Муртса и удиті. Коркө сөр войын нин бергөдчи гортө Гаждор пристаньясь. И кузьон сэки петкөдчыліс быд татшөм ветлөм-мунөмыс.

Серамсорөн өні казтыла, кыдзи өтчыд бать мөдөдчө вөлі карө. Автобусыд неважөн на кутіс ветлыны. А бать гораа и шуис:

- Сөйтөг ог жө карө мөдөдчы. Коді сэні менө вердас?

Автобусыд Пальо вөлі лэчөма нин. Регыд бөр кутас карлань кайны. Но он од төд, кор сійо воас. И пока бать тэрмасьтөг нуръясис, автобусыд төдлытөг прөйдитіс миян сикт весьтті. Бать сөмын гораа өрччыштис да петкөдліс миянлысь серамнымөс. Сідзи эз и веськав сійо лунас карад.

А сэсся и асфальта туйыд лоис, да Пальо куимысь луннас кутіс автобусыд волывлыны. Сэки быгттьо дзик орччөн лоис миянлы коркөя ылысса Сыктывкарыд. Весиг некод сэки сиктсаяс пиысь эз куж чайтлыны, мый сэтшөма дженьдаммас коркөя кузь туйыд.

А мый нин шуны өнія кад йылысь, кор арланьыс Паль гөра выло, торйөн нин шойччан лунгъясө, лун и вой помтөм машина локтө. Да и автобусгъясад сэки пыр тырыс йөз. Тайо тшак да ягөд вотысьяс тэрмасьоны Паль ягө дона гобла, пува да чөдла. Лунгыр вотчасны, а рыгтнас бөр нин гортө мөдөдчөны. Унаөн Паль гөравывса сикт-грездгъясын лөсьөдөны аслыныс дачаяс, торйөн нин татчөс вөвлөм олысьяс пиысь. А мый, карсянь абу ёна ылын. Туйыс бур. Эжва юыс орччөн. Позьо и вуграсьыштны. А сынөдыс тани кутшөм сөстөм! Видзөдлан Паль гөра вывсянь гөгөрбок да сэтшөм ылөдз ставыс тыдалө. Быгттьо сынөдті кутшөмкө лэбач моз жө лэбан. И сэтшөм кыпыд лоө лолыдды.

И өні весиг полан мөвпыштлыны сы йылысь, мый менам томдырйи на Паль гөра выло вөлі сьөкыд веськавны. Эз вөвны бур асфальта туйысыд. И меным сэки пыр жө паметьо воө Пальысь

(Водзө 15 л.б.-ын.)



«Арся мойдын» рубрика вöзйö донъявны миян лыддьысьысьяслысь фотояссö. Талунъя номерын - Койгорт районса Грива сиктын олысьясöн ыстём уджъяс.

Арся мойдын





Ар локтём

Арыс коръясөн вевттыс эрдъяс,
Зарни паськөмөн пасьтөдас вөр.
Сійө ставнысө быдтасөн вердас,
Сылөн ывлаын кылө нин көр.

Ок, кутшөм лөсьыд...

Ок, кутшөм лөсьыд овны арын!
Кор вөрыс-ваыс ставнас зарни,
Кор вөрын быдмө уна тусь,
Кор еджыд лымйыс оз на усь.

Ок, кутшөм лөсьыд овны төвнас!
Кор ставыс еджыд лымйөн тырас.
А челядь кутшөм лоас рад:
Воас даддьөн исласяна кад!

Ок, кутшөм лөсьыд гажа тулыс!
Өд ставнас ловзьө шондө улыс.
Дзик гөгөр кылө югыд гор.
Ме ачым быттьө дзольгысь шор.

Ок, кутшөм лөсьыд кадыс - гождөм!
Кор ставыс быдмө дзик быд вожын:
И тшак, и пув, и оз, и чөд -
Да шедө мортлы кынөмпөт.

*Мария ЮШКОВА,
Кулөмгін районса Куж сикт*



ТӨД ВЫЛӨ

Дона томулов! Чайтам, быдөн тiян пöвстысь эз нин öтчыдысь кыvely наркотиклөн лёклун йылысь. Шуанныд, пель съодмытöдз нин пö и велöдысь, и бать-мам, и телевизор пыр висьтавлiсны... Мед! А збыль-ö сюркнялинныд пель саяныд, мый дурмöдчанторыйд - тайö выветi лёктор?!

Кужа да вермы шуны: **ОГ!**

МИЯН РЕСПУБЛИКАСА ВЕЛÖДЧАНИНЪЯСЫН, вöлöмкö, весиг 10-12 арöсаяс пöвстын нин казялö-маöсь наркотикөн дурысьястö! Йирмög босьтö тайöс кылöм бöрын! Кыдзи сэся сэысь да нöшта кык-сёысь он висьтав, кутшöм омöльтор вайö наркоти-кыд.

Мыйла томулов көсийöны видлыны дурмöдчантор?

ÖТИ-КÖ, чайтöны, öтчыдысь видлöм бöрын пö нинöм ог ло. Тайö абу тадз. Наркотик кутас ковны весиг öтчид-кыкысь видлöм бöрын. Да нöшта öд и том мортлөн вир-йыс быдöнлөн абу öткодь: мукö-дыс вермöны кувны наркотик медводдзаясь видлöм бöрын.

МÖД-КÖ, ставныс пö видлöны, а ме мыйла ог? Та вылö эм вочакыв: юр вежöрад кö гөгөрвоан нар-котиклөн лёклун йылысь - тэнö некод оз вермы мырдөн тшöктыны видыны. Он öмöй вермы шуны: ог! А юртö кö тшöктасны биö суйны?!..

КОЙМÖД-КÖ, унаөн шуöны: видлы пö, а оз кö кажитчы - дугдан. Сидз шусяна «ломка» йылысь

мыйкö, дерт, томулов кывлисны. Чайтöны, мый сы выйöдз найö некор оз дурмöдчыны, да и бурдö-дысьяс пö вермасны отсавны. Тайö абу жö тадз. Весиг кö, «ломка» бöрын мортыс вермас дугдö-чывны, кык-куим тöлысь бöрын сийöс бара на ку-тас кыскыны дурмöдчантор дорö.

РЕСПУБЛИКАСА ШКОЛАЯСЫН велöдчысьяс весиг мукöд велöдчанинса ныв-зонлы нин вузавлö-ны-йöткöны наркотик. Дурмöдчантор вермöны дась-тыны и куритчан, и весиг кампет моз. А мöдöдны сийöс вермöны весиг и ичöt класса школьникяс пыр: тшöктöны сетны сийö либö мöд мортлы, а тшöтш и видлыны лэдзöны. Сидзкö, некор эн босьтöй тöдтöм мортлысь нинöм, мед кöть сьöм сыысь се-тасны.

ТОМУЛОВ! Тiян öд эм асланыд юр, асланыд олöм. Гөгөрвöй, мый наркотик - ни öти мортöс на бурöдз эз вайöд, а мöдарö - чегис-жугöдiс олöмсö. И эз сöмын асьсö пөжöсьт, но и матыссасö: се-мьяын олысьяссö, рöдвужсö, ёртъяссö, ставнас классö... Куж да вермы шуны: ог!



Асланыд юр, асланыд олöм.



(Заводитчө 10 л.б.-ын.)

петлөм морт, менам земляк Степан Григорьевич Сидоров, коді ас кадө юрнуөдіс туйяс стрөитан да дзоньталан республикаса управлениеон, зэв ёна төждысис бур туйяс нюждөдм вөсна. И окота копытчывны сэки сылы кок улөдзыс. Од буретш тайө мортыслөн зільмөн дженьдаммысны коркөя кузь туйяс.

А мый нин шуны өнія кад йылысь, кор туйясыс и сетоны мян матысса да ылысса коми сиктъяслы олөмсө. Лоасны бур туйяс, кутас и сиктын олөмыс яр бишур моз жө пестысьны. Од буретш коркөя мир туйяс пыдди вочасөн лоины асфальтөн вевтгөм өнія паськыд туйяс. А меным век жө донаоёсь лыаа-сёя мир туйясыс, кодъякөд медясө вөлі йитчөма менам челядьдырся сиктъяслөн олөмыс. Буретш воддза мир туй вывті колльөдлісны сиктса аныяс Ыджыд война вылө асьыныс верөсьяснысө, пьяннысө. А сэсся сы бөрын унаысь петавывлісны мир туй вылө найөс виччысигмоз. Мыйта тыдавтөм синва найө кисьтісны тайө воясас, төдө сөмын мир туйяс. Но сійө дзебывліс, некытчө эз эрдөды мамъяслысь, гөтыръяслысь, нывъяслысь, чойяслысь гуся шоглунсө. Лыаыс да сёйыс тай кутшөмакө век жө пакталісны помтөм синвасыс. А сэсся коркө тайө мир туй кузяыс жө гортө кутісны воавны Чужан му дорйысьяс Ыджыд вермөм шедөдөм бөрын. Буретш тайө мир туй кузяыс сиктө кутісны воавны өнія трактор-машинаяс, кодьяс ёна кокнөдісны сиктса войтырлысь уджсө.

А сэсся сэті жө мөдөдчисны Ыджыд каръясө ныв-зон, медым сэні велөдчөм бөрын вильлаын нин корсьныаддзыны асьыныс шуднысө. И тыртөммыны кутісны коркөя уна йөза сиктъяс. Көнсюрө на пиысь пыр унджык лоисны брөвъялөм өшиньяса керкаяс. Кыдзи мортлөн ки-кок лы сөнъясыс вайөны колана мында вир, сідзжө эськө позис чайтны, мый тайө туйясыс нөшта ловзьөдасны ылі сиктъяслысь олөмсө. Но мөдарө тай пондіс артмыны. Бур туйяс нюждөдм бөрын ичөтик сикт-грездысь войтырыс кутісны вуджны овны гырысьджык сиктъясө, а гырысьджык сиктъясысь мунавны каръясө. Уна ылі сикт-грездын дзикөдз кусіс олөмыс. И сэтчө нуөдысь туйяс кутісны тырны лапкорйөн да ситурунөн. Буретш та вөсна омөльджыка пондіс юргыны коми горыс важся коми сиктъясын. А мый лоө водзө сэні, сьөкыд шуны. Со и окота эскыны, медым эськө өнія паськыд да зумыд туйясыс бөр отсалісны ловзьөдны важся коми сиктъясын олөмсө, бөр кыпөдчыны налы.

Ак, туйяс, туйяс, кутшөм ёна ме виччыся, мый ті збыльысь чужтанныд выль олөм коми войтырлөн важся оланіньясын, мый тиясянь пыр вильсикас кышыд да сөстөм олан руылькнитас медся ылі коми пельөсьясөдз. И войтырыс сэки бара кутасны помнитны асланыс вунөдөм вужъяс йылысь, пыдди пуктыны асланыс пөль-пөчьяслысь коркөя бур оласногсө, а сідзкө, пыдди пуктыны и асьнысө.



«Коми йөзөдчан керка»
Коми Республикаса
автономной учреждение,
«Йолога» газет
редакция.

Адрес:

167982, Сыктывкар,
К.Маркс улича,
229-өд керка,
401-402 кабинетъяс.

Тел. 24-12-22, 24-36-49.**E-mail:** Yologa@mail.ru**Веськөдпысьлысь****удж вөчысь****Е.В.ПЛЕТЦЕР****Гл.редактор****Г.В.МАКАРОВА**

Газет панысь:

Печать да юөр сетан Коми

Республикаса агентство.

Регистрируйтөма

2007 вося ноябрь 28 лунө

йөзлы юөр сетөм да

культураса озырлун видзөм

кузя оланпасьяс

збыльмөдөм бөрся

видзөдысь федеральной

службалөн Беломорской

управлениеын.

Регистрирунтан пас:

ПИ №ФС 3-0686.

Социальной төдчанлуна

гижөдьясө йөзөдөма «Коми

йөзөдчан керка» автономной

учреждениелы печать да юөр

сетан КР-са агентствон

вичмөдөм сьөм вылө.

**Редакцияын****уджалысьяс:****том йөзлөн мытшөдьяс****юкөнөн веськөдпысь –**

Надежда Пунегова;

письмө юкөнөн**веськөдпысь –**

Екатерина Микушева.



Медводдза лист бокас

снимокыс

Ольга

Азаровалөн.



Авторъяслөн мөвпяяс оз

пыр лөсявны редакциялөн

видзөдласкөд.



Тираж – 475

Гижөдчан индекс – 52099.

«Йолога» газет петө

1991-өд восянь

вежоннас өтчид, комион.

Доныс сёрнитчөмөн.



Печатьө кырымалан кад:

график серти – сентябрь

төлысьлөн 17-өд лунө

16 часын; кырымалөма

печатьө 16 часын.

Газет печатайтөма

«Коми республиканской

типография» ООО-ын дас

оригинал-макетъясысь.

167610, Сыктывкар,

В.Савин улича, 81

Заказ №



“Йөлөгакөд” кө тэ олан – дзоньвидзаён пыр и лоан!”

Мортыд аслас олөмын быдсикас лоөмторйыскөд паныдасьё, торйөн нин мый дзоньвидзалункөд йитчөма. Мукөддырйи ки улын нинөм абу, медым отсавны аслыд. Но петантуыйс эм, төдны кө өткымын гусьтор.

Шуёны тай, мый отсалё...

✦ Висьмис кө горшыд, колё вөрөдыштны шуйга пель йивтё. Пельын сідз шусяна рецепторьяс артмөдасны горшад спазм - тайё отсалас.

✦ Окота кывны вомгорулас сёрнитысь мортөс, бергөд сыланьё веськыд пельтё - тадзи бурджыка кылан.

✦ Позяліс кө кийд, колё бергөдлыштны юрнад. Тшөкыда кийд позялө, кор голяыдлөн мышцыыд топөдө нервьястё. Сідзкө, вөрөмыд вермас мездыны найөс топалөмысь.

✦ Ёна кө полан уколысь, колё кызыштны укол вөчигас - тайё слабмөдө дой рецепторьястё.

✦ Медым отсавны пөдөм нырлы, кывнад личкы нёбоө да вөрөдышт чуньнад синкымтё - тайё отсалас ныр пөдөмысь 20 секунд кешлө.

✦ Войнас кө дөзмөдө изжога, видлы водны шуйга бок вылад. Тадзи лытгасьыд (желудоксьыд) соляной кислотаыс озджык веськав горшад.

✦ Висьысь пинь лөняс, көдзыд йи торйөн кө зыралан ыджыд да индан чунькостса перепонкасё (ки пыдөсладорсё). Тадз висьөмыс озджык кыв.

✦ Сотчөм чунь вылын озджык артмыны вабольяс, топөдлан кө висян местасё мөд чуньнад (но



мед чуньыд эз вөв няйт). Тайё, дерт, оз отсав дойысь, но вабольтё бурдөдны этшаджык кад ковмас.

✦ Котөртөм бөрын кө бытшкө бокад, лолышт шуйга кок вылад сувтөгөн. Тадз мускыд озджык личкы сідз шусяна диафрагматё. Унджык йөзыс мөдарё вөчөны, лолалөгөн сынөдсө лэдзөны веськыд кок вылө сувтөгөн - таысь и топөдө мустё.

✦ Наизусть колё велөдны водөгөн. Текстсё некымынысь лыддөм бөрын вод узьны. Войнас юр вемө воөм юөрыс вуджө паметьё, а асывнас казялан, мый ставыс кольөма юрад.

✦ Висян кө «саридзса висьөмөн», улыс палуба вылын сулалөгөн видзөд енэжтас вылө. Тадзи пөрийөдлан вир-яйтё. Тайё висьөмысь нөшта отсалё имбирь.

